



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

LVII. Das Kloster Leitzkau vereignet dem Kaland zu Loburg Renten aus
Gerden unter Bestätigung des Bischofs Ludwig von Brandenburg, vom 13.
October 1332.

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

LVI. Ludwig, Bischof von Brandenburg, confirmirt dem Kaland in Loburg Renten in Leitzkau, die demselben vom Kloster überlassen sind, am 26. Januar 1332.

Nos ludewicus, dei gracia Brandenburgensis Ecclesie Episcopus, donacionem quatuor chororum Siliginis Cerwiltensis mensure decano ceterisque Kalendarum fratribus In louborch per prepositum ceterosque Canonicos ecclesie lytzkensis ad ipsorum fratrum Kalendarum luminaria ac eorundem alia necessaria pure et propter deum factam et per felicitis memorie domini fredericum, Quondam Brandeburgensis ecclesie episcopum, nostrum predecessorem, ratificatam et confirmatam, Insuper et vendicionem et donacionem trium talentorum denariorum In lytzka datiuorum ad altare Sancti Johannis ewangeliste In ecclesia lytzka annuatim deputatorum per predictos prepositum et canonicos ecclesie lytzkensis eisdem fratribus Kalendarum factas ratificamus et presentibus In domino confirmamus, Mandantes In virtute Sancte obedientie preposito et Canonicis Supradictis, Quod iuxta continenciam litterarum suarum super hiis confectarum dictam annonam et denarios prefatis fratribus Kalendarum annis singulis sine diminucione persoluant, alioquin contra ipsos per censuram ecclesiasticam, Si necesse fuerit, procedemus. Datum ploztk, anno domini M^o CCC^o XXXII^o, venite adoremus.

Copiale No. 53 f. 14—15 des Magdeburger Prov.-Archivs.

LVII. Das Kloster Leitzkau vereignet dem Kaland zu Loburg Renten aus Gerden unter Bestätigung des Bischofs Ludwig von Brandenburg, vom 13. October 1332.

In Nomine domini amen. Henricus, dei gracia prepositus et archidiaconus, Otto prior totumque capitulum ecclesie lytzkensis vniuersis christi fidelibus, quorum interest et fuerit opportunum, Salutem In eo, Qui est omnium vera salus. Cum nos fratres Kalendarum nostrarum Karytatiue promouere et prosequi eorum vtilitatem de iure debeamus, propter quod ipsis fratribus Kalendarum Quatuor choros Siliginis Cerwiltensis mensure de pensa ecclesie In gherden per ipsius ecclesie plebanum dandos annis singulis In festo beati Martini episcopi, duos choros de predictis quatuor In ciuitate Cerwilt Kamerariis dictarum Kalendarum et residuos duos choros eisdem In dote ecclesie prefate In Gherden aut In dote ecclesie parrochialis In lytzke, vbi dictis Kamerariis magis expediens fuerit, presentandos, donamus libere et pure propter (deum), ad comparacionem luminum Seu vtilitatem et piam recordacionem fratrum Kalendarum defunctorum, Quum diu dicte Kalende durauerint, Sine quolibet impedimento percipiendos ac libere possidendos, In recompensam ac restaurum quatuor chororum Siliginis, Quos Ipsi fratres prius habuerant In nostra Scycerwe Seu de promptuario nostro. Insuper Si dicta ecclesia In gerden ad statum peruenerit meliorem, possunt predicti fratres Kalendarum ex ipsa fructum extunc percipere amplioem. Sed, quod abit, Si eadem ecclesia ad statum peruenerit deterioem, debent et pre tacti fratres dampnum rationabilem tollerare, Et predictos fratres ad extorquendos dictos quatuor

choros debemus cum diligencia promouere. Preterea Si rector minus prouidus in pretacta ecclesia gherden resideret, Qui non daret rationabiliter et decenter supradictis fratribus choros memoratos, ex eo nos ipsum rectorem amouere et alium ydoneum instituere in eadem ecclesia debemus. Vt igitur huiusmodi nostra donacio rationabiliter facta cum omnibus premisis firma perpetue perseveret, presens scriptum desuper confectum Reuerendi In christo patris et domini, domini ludewici, Brandenburgensis ecclesie episcopi, et nostris sigillis procurauimus roborari. Nos quoque ludewicus, dei gracia Episcopus iam dictus, omnia premissa grata et rata habentes presentibus in domino firmiter confirmamus, Sigillum nostrum ad petitionem predictorum dominorum presentibus pariter apponentes. Testes eciam huius rei sunt honorabiles viri domini Otto prior, Johannes de Cerwift et nicolaus de mokerne, Canonici ecclesie lytzke, Johannes, plebanus ecclesie Sancti nicolai In Cerwift, Johannes de louborch, Rosa, plebanus In roffenhaym, et plures alii fide digni. Actum et Datum Cerwift, anno domini M^o CCC^o XXXII^o III^o Idus octobris.

Copiale No. 53 f. 15—16 im Königl. Prov.-Archive zu Magdeburg.

LVIII. Markgraf Ludwig vereignet dem Glenden-Altar in der Pfarrkirche zu Strausberg 3 Wispel Mühlenpacht und 24 Schillinge Hufenzins, am 9. Februar 1335.

Nouerint uniuersi ac singuli, tenorem presentium inspecturi, Quod nos Ludouicus, Dei gratia Brandenburgensis ac Lusatie Marchio, Comes palatinus Rheni, Dux Bauarie, Sacrique Romani Imperii Archicamerarius, et ob augmentum diuini cultus ac salutem nostram nostrorumque progenitorum, vendidimus pro certa pecunie summa, in promptu nobis soluta, ac dedimus proprietatem et libertatem trium cororum filiginis, que vulgariter dicitur Lehenpacht ex molendino sito in loco, qui dicitur im Gehege, prope civitatem Straufzberg, cum viginti quatuor solidis Brandenburgensibus de manforum censu Strausberge de octo mansis, a possidentibus et tenentibus molendinum et mansos, annis singulis absque omni impedimento iuris vel facti perpetuis temporibus ministro Altaris Exulum in honore Sancti Johannis Evangeliste in parrochiali ecclesia civitatis predictae consecratum integraliter solvendorum; renunciantes simpliciter pro nobis et nostris heredibus et successoribus vniversis nunc et in perpetuum omni iuri ac seruitio, que nobis et nostris successoribus in dictis tribus coris et viginti quatuor solidis manforum census competebant, aut possent competere in futurum. Singula vero premissa volumus firma, rata et inuolata haberi, teneri et obseruari, nec contraveniri per nos vel alium aliqua ingenii ratione causa de jure vel facto. Ad predictum vero altare Johannis civis in Straufzberg, dictus de Niegenhawe ac sui filii cum filiorum filiiis quoad vixerint personam idoneam presentabunt; quibus decessis plebanus ibidem dicto altari in ministro perpetui vicarii per presentationem seu suum capellanum ad officium specialiter deputatum fideliter providebit. In cuius rei testimonium presentes conscribi, sigillique nostro appensi munimine iussimus communiri. Testes vero huius sunt strenui milites Henricus de Ysolzriedt, Marschalcus, Alemannus de Jetzenberg, Camere nostre Magister, Henningus de